

3 JOHAN

Diotrephe loe kricaa zaehoikung kacoeha ahmin amthang kami ah oh, anih loe ahmuen maeto hoi maeto bangah tamthanglok thui (Johan mah oep kaom kami, tiah thuih ih Demetrius kalang mue, tiah poekhaih tawnh o) kami to talawk han koeh ai. To pongah Johan loe Kaia, tiah kaww ih, ahmin amthang kami kalah maeto khaeah Diotrephe mah talawk han koeh ai ih kami to kahoihah khetzawn hanah ca tarik pae.

¹ Kricabu zaehoikung kacoeha mah, loktang ah ka palung ih Kaia khaeah,

² kang palung ih kami, kahoih poekhaih palungthin na tawnh baktih toengah, hmuennaww boih ah qoengh moe, ngan na tui thai hanah lawk kang thuih pae, tiah ca tarik.

³ Loktang loklam to na pazui moe, loktang lok ah na oh, tiah nawkamyaww angzoh o moe, ang thuih o naah, paroeai anghoehaih ka tawnh.

⁴ Ka caanaww loktang thungah caeh o ti, tiah ka thaih naah, to anghoehaih pongah kalen kue anghoehaih ka tawn ai boeh.

Thapaekhaih hoi kasaethuihah

⁵ Palung ih kami, nawkamyaww hoi angvinaww khaeah, oep kaom ah tok na sak;

⁶ nihcae mah nang ih amlunghaih to kricabu hmaa ah thuih o boeh: nihcae mah Sithaw

koehhah baktiah tamthanglok taphong o hanah na bomh thaih nahaeloe, kahoih hmuen ah ni om tih:

⁷ nihcae loe Anih ih ahmin hoiah ni caeh o, Gentelnawwk khae hoi abomhah tidoeh la o ai.

⁸ Loktang toksahkung ah a oh o thai toeng hanah, aicae mah to baktih kaminawwk to abomh han oh.

⁹ Kricaabu khaeah ca ka tarik: toe nihcae zaehoikung ah kaom, Diotrephe mah kaicae talawwk han koeh ai.

¹⁰ To pongah, kang zoh nahaeloe, a sak ih hmuen to ka panoek sak han, anih loe aicae kasae thuih khue ai ah, nawkamyanawwk doeh talawwk han koeh ai: nawkamyanawwk talawwk han koeh kaminawwk doeh pakaa moe, nihcae to kricaabu thung hoiah pathok ving.

¹¹ Palung ih kami, kahoih ai hmuen to pazui hmah, kahoih hmuen to pazui ah. Kahoih hmuen sah kami loe Sithaw ih kami ah oh: toe kahoih ai hmuen sah kami loe Sithaw to hnu ai.

¹² Kaminawwk boih mah Demitria hoihah kawng to thuih o, loktang lok mah doeh anih hoihah kawng to thuih: ue, aicae mah doeh kahoiah a thuih o; a thuih o ih lok loe loktang ni, tito na panoek.

¹³ Ca zetpui tarik han ka koeh, toe cacung hoi catui hoiah tarik ka koeh ai:

¹⁴ nang hoi angqum palang tih hman, tiah oephah ka tawnh, to naah mikhmai kang tongah lok aram tih hman.

¹⁵ Nang khaeah monghah om nasoe. Aicae ampuinawwk mah ban ang sin o. Toah kaom ampuinawwk to ka hmin hoiah ban sin ah.

Asang Khongca Bible (2019)
The Holy Bible in the Asang Khongca language of
Mynmar

Public Domain

Language: Asang Khongca (Chin, Eastern Khumi)

Dialect: Asaang Khongca

Published in Mynmar, which is not a signatory to international copyright treaties. Copyright may apply locally in Mynmar. Translator names withheld for security reasons.

2020-09-24

PDF generated using Haiola and XeLaTeX on 18 Apr 2025 from source files dated 13 Dec 2023

48776925-bad5-5701-8cb9-5ee5267a8fab